

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO TRGOVINE, TURIZMA I SAOBRAĆAJA
KANTONALNA DIREKCIJA ROBNIH REZERVI**

Broj: 05-1/1-30-2590/25
Tuzla, 29.01.2025.

Na osnovu člana 75. Zakona o državnoj službi u Tuzlanskom kantonu-prečišćen tekst („Službene novine Tuzlanskog kantona“, broj 11/24) i člana 9. Pravilnika o unutrašnjoj organizaciji Ministarstva trgovine, turizma i saobraćaja Tuzlanskog kantona broj: 05/1-02-020645/22 od 20.06.2022. godine i broj 05/1-02-000534/25 od 13.01.2025. godine, direktor Kantonalne direkcije robnih rezervi objavljuje

JAVNI OGLAS

za popunu upražnjenog radnog mjesta namještenika u Kantonalnoj direkciji robnih rezervi

- VIŠI REFERENT ZA VOĐENJE EVIDENCIJE, OPERATIVNO-TEHNIČKE POSLOVE I POSLOVE SKLADIŠTENJA_.....1 izvršilac na neodređeno vrijeme

Opis poslova upražnjenog radnog mjesta:

- obavljanje svih tehničkih poslova koji se odnose na skladištenje, čuvanje i kontrolu robe iz robnih rezervi u skladištima,
- neposredno kontaktiranje sa ovlaštenim licima oko postupanja sa privremeno oduzetom robom i predmetima u inspekcijskom postupku,
- obavljanje svih tehničkih poslova koji se odnose na prijem i uskladištenje privremeno oduzete robe i predmeta u inspekcijskom postupku i obezbjeđenja odgovarajućih prevoznih sredstava i radne snage za utovar i prevoz oduzete robe i predmeta,
- vođenje i ažuriranje podataka u posebnoj evidenciji o privremeno oduzetoj robi i predmetima,
- obavljanje svih tehničkih poslova koji se odnose na postupanje direkcije sa trajno oduzetom robom i predmetima,
- izrada izvještaja o podacima iz posebne evidencije,
- pripremanje obavijesti postupajućim inspektorima o prodaji, uništenju ili ustupanju privremeno ili trajno oduzete robe i predmeta,
- obavljanje i drugih poslova po nalogu direktora.

Za svoj rad odgovoran je direktoru.

1. Uslovi za obavljanje poslova upražnjenog radnog mjesta

Kandidat za obavljanje poslova upražnjenog radnog mjesta mora ispunjavati opšte uslove utvrđene članom 77. Zakona o državnoj službi u Tuzlanskom kantonu-prečišćen tekst:

- a) da je državljanin Bosne i Hercegovine;
- b) da je stariji od 18 godina;
- c) da je zdravstveno sposoban za obavljanje poslova utvrđenih za to radno mjesto;
- d) da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji;
- e) da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini;
- f) da nije obuhvaćen odredbom člana IX. 1. Ustava Bosne i Hercegovine.

Pored opštih uslova za obavljanje poslova upražnjenog radnog mjesta, kandidat treba ispunjavati i posebne uslove za vršenje poslova.

Posebni uslovi za obavljanje poslova:

- SSS - IV stepen stručne spreme, gimnazija, ekonomska ili upravna škola,
- najmanje 10 mjeseci radnog staža u struci ostvarenog nakon završene srednje škole,
- položen stručni ispit za namještenike za rad u organima državne službe,
- poznavanje rada na računaru i
- položen vozački ispit „B“ kategorije.

2. Uz prijavu na javni oglas kandidat prilaže sljedeće isprave kojima se dokazuje ispunjavanje opštih i posebnih uslova:

- prijava sa kratkom biografijom, kontakt telefonom i adresom prebivališta, svojeručno potpisana,
- uvjerenje o državljanstvu (ne starije od 6 mjeseci) ili kopija CIPS-ove lične karte,
- izvod iz matične knjige rođenih (ne stariji od 6 mjeseci),
- svjedočanstvo o završenoj školi,
- uvjerenje o radnom stažu,
- uvjerenje o poznavanju rada na računaru,
- uvjerenje o položenom ispitu za namještenike za rad u organima državne službe,
- dokaz o položenom vozačkom ispitu „B“ kategorije,
- uvjerenje organa državne službe da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u BiH, odnosno potpisana i od strane nadležnog organa ovjerena izjava da nije radio u državnoj službi,
- izjava kandidata da nije obuhvaćen odredbom člana IX 1. Ustava BiH, ovjerena od strane nadležnog organa.

Svi dokumenti moraju biti u originalu ili ovjerene kopije.

Komisija će razmotriti sve prijave podnesene na javni oglas i utvrditi listu kandidata koji ispunjavaju uslove oglasa i listu kandidata koji ne ispunjavaju uslove javnog oglasa.

Nakon utvrđivanja liste kandidata koji ispunjavaju uslove javnog oglasa, sa kandidatima sa liste obaviti će se intervju. O mjestu i terminu održavanja intervjua kandidati će biti blagovremeno obaviješteni.

Izabrani kandidat će biti dužan dostaviti ljekarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca). U slučaju da kandidat ne dostavi ljekarsko uvjerenje nakon prijema, bit će odabran sljedeći kandidat sa liste, koji taj dokument dostavi u ostavljenom roku.

Javni oglas ostaje otvoren 15 (petnaest) dana od dana objave oglasa u dnevnim novinama „Večernji list“. Isti će biti objavljen i na službenoj internet stranici Ministarstva trgovine, turizma i saobraćaja Tuzlanskog kantona.

Sve tražene dokumente treba dostaviti u roku od 15 dana od dana objavljivanja, u zatvorenoj koverti neposredno ili putem pošte, preporučenom pošiljkom na adresu:

**Ministarstvo trgovine, turizma i saobraćaja Tuzlanskog kantona - Kantonalna direkcija robnih rezervi
Mije Keroševića 20, 75000 Tuzla,
sa naznakom „JAVNI OGLAS za popunu radnog mjesta namještenika u Kantonalnoj direkciji robnih rezervi“. – NE OTVARAJ**

Nepotpune i neblagovremene prijave na javni oglas neće biti razmatrane

